

Ohne di

Mee Kopf hängt tiaf owe
wia i dositz' alloa.
's wird longsom dusta im Zimma.
I woäß net weida und bi volor'n –
ohne di.

Z'druckt bi i und rotlos.
Grod' muiß i di frog'n,
wia **des** geht oda **des**,
oda wos moring z'toa wa –
ohne di.

De Vas'n steht laa durt,
z'letzt host Tuip'n drin g'gobt.
Ung'les'n d'Post do om Tisch'l.
I sitz' tramhappat do –
ohne di.

De Blus'n host neili no og'hobt.
I streich'l driwa, voram's.
Reerat moch i d'Kost'ntir zui,
woäß net fir wos –
ohne di.

Spot geh' i schlofa,
greif' umi zu dir
da Poista is laa.
Wia soi i nur schlofa –
ohne di.

Hüflos bi i und volor'n,
kopflos und woäß ma koan Rot –
ohne di.

6.Juli 2023